

Monday, May 4, 2026

Time - 2:30pm - 2:35pm

**AKASHVANI AIZAWL
REGIONAL NEWS UNIT**

GINGER

Kum hnih chhunga Mizorama thar sawhthing man san ber lai a thleng mek a, vawiin khan Mualkawi Secondary Collection Centre-ah sumdawngten sawhthing kg. 1 cheng 59 leh duli -a lei turin auction an chhang a, SCC dangah pawh cheng 50 chunglama auction chhanna engemaw zat a awm.

Vawiin vek khan sorkarin rapchung tehcnology leh tapchhak technology hmingpua sawhthing tih rona khawl society-te hnena pek chhuah tura a siam chu enchhina trial run neih a ni.

Sorkarin SCC kaltlanga kuthnathawktute sawhthing hralh hun tura a bituk chu tun thla ni 30 thleng a ni a; Akashvani News, Aizawl zawhna chhangin Mizoram Agriculture Marketing Board (MAMB) hotute chuan, vawiin khan SCC hrang hrangah sawhthing auction niin, a chhang sang berin Mualkawi SCC-ah kg 1 cheng 59 leh duli-in an chhang a; hriat theih chinah East Lungdar SCC, Rabung SCC, Khawzawl SCC, Hrangchalkawn SCC leh Lungtan SCC-ahte pawh kg 1 cheng 51-55 inkara lei turin sumdawngten auction an chhang a ni.

Nikum khan sawhthing hi a rate a san lai berin chengs 30 a nih thu MAMB hotute chuan an sawi a; kuminah sawhting hralh a nih tan tirh khan cheng 40-45 inkar ni turin sorkarin bituk mah se, lei ngam an awm lo a, tun dinhmunah erawh chuan kg khat cheng 50 aia sanga lei nngam sumdawng engemaw zat an awm a, kum 2 chhunga sawhthing man a san ber lai a thleng mek tih an sawi.

MAMB hotute chuan sorkarin rapchung tehcnology leh tapchhak technology hmanga sawhthing zailep tihrona khawl a siamtir chu vawiin khan Sairanga Sawhthing sawngbawlna hmunah enchhinna (trial run) neih a nih thu an sawi a; khawl hi 60-70 vel lei a ni dawn a, society-te hnenah tlâwm têin sorkarin a pe ang, an ti a; sawngbawlna khawlte a taka hman tura peihfel a nih chuan loh theih loha hralh tura sumdawngte hnena thlai thar nawr liam ngai thin chu a bo theih tawh an beisei thu an sawi.



MORGUE VAN

Mizoram sorkarin khualkhuuaa thite ruang phurh man a tumsakna, 'Assistance for Transportation of Bodies of Deceased Persons within Mizoram' kaltlangin ruang 2,144 phurhna man cheng nuai 225 point 83 pek a ni tawh.

Ruang phurh man buaipuitu Social Welfare department hotute chuan Akashvani News Aizawl zawhna chhangin, ruang phurhna senso sorkarin a tumsakna hi kum 2024 September thla khan hawn a ni a, hemi kum vek December

thla atangin ruang phurh man hi pek tan niin, vawiin thleng khan ruang 2,144 phurhna senso atan cheng nuai 225 point 83 pek a ni tawh, an ti.

Social Welfare department hotute chuan ruang phurhna hi sorkarah online hmangin Ruangphurh App kaltlanga dil theih a nih hnuah online hmanga dil zinga 34 hnenah ruang phurhna senso hi pek a nih tawh thu leh tunah hian dilna lut tawh pawisa pekchhuah tura buaipui mek engemaw zat an la neih thu an sawi a; a tahtawl tē tēa pekchhuah a nih dawn thu an sawi bawk.

Mizoram sorkar chuan ruang phurhna senso tur hi kum 2024-25, 2025-26 leh 2026-27 atan budget-ah cheng nuai 500 theuh a dah a; ruang phurh inkaihhraina in a tarlan danin ruang phurh tur chu a thlenna km. 20 aia hnai a ni tur a ni lo a, km. 20 piah lamah chuan tu tan pawh hman theih niin, lirthei thlen theih chin a huam a ni.

((VOICE CAST - Ruang phurh man diltute chuan kim takin report form an fillup tur a ni a; damdawi-ina thi a nih chuan death certificate pangngai emaw, a thihna hmun damdawi-ina doctor-in a thi a ni tih a ziahna (declaration of death by the medical officer) thehluh tur a ni. Damdawi-ina thi a nih loh chuan dilna form-a sawi lan angin declaration thil tel tur a ni a; motor hmanna receipt original copy te, mitthi Aadhaar card/Voter ID photocopy thil tel tur niin, kumtling lo a nih erawh chuan a nu leh pa emaw, a chhungkhat hnaivaite Aadhaar card/Voter ID thil tel tur a ni. Document kim lo chu an dilna pawm a ni dawn lo.))



AKASHVANI 90 YEARS

Akashvani Aizawl chuan kumina kum 90 a tlin pualin lawmna hrang hrang a buatsaih chho mek a.

Akashvani Aizawl hian naktuk May ni 5 ah Concert leh Cultural programme chu Tuikhuahtlang YMA hall ah buatsaih a ni dawn a, heng bakah hian Walkathon bakah hun pawimawh hrang hrang huaihawt tum a ni.

April ni 30 khan All India Radio in kum 90 a tlin lawmna pualin Lamp Lighting Ceremony an buatsaih a, hetah hian Akashvani Aizawl Director leh Mizoram Cluster Head Pu DR Lalropuia chuan All India Radio kum 90-na puala chhit det hawngin All India Radio din chhoh dan leh pawimawhna hrang hrang a sawi a, zai leh lam nen hun hlimawm tak buatsaih a ni.

Akashvani kum 90 tlin rual hian Akashvani Aizawl pawhin kum 60 a tling a, heng ni pawimawhah hian programme hrang hrang buatsaih tum a ni.



UNION MINISTER

Union Textiles Minister Pu Giriraj Singh chuan tukin khan Zemabawk Sericulture Training Institute (STI) a tlawh a. Sericulture Minister Pu Lalthansanga'n Union Minister hi a tawiawm a ni.

Union Textiles Minister leh a thawhpuite hian Sericulture Training Institute hmunah Muga silk pangang khawina thing – Som tree a phun a. Pu Giriraj Singh bakah Sericulture Minister Pu Lalthansanga leh Central Silk Board (CSB) Member Secretary Pu P. Sivakumar te pawhin Som tree hi an phun a ni.

Thing phunna hun an hman zawh hian Union Minister leh official dangte chuan STI campus-a silk siam chhuahna hmun Silk Reeling Factory chu an tlawh chhunzawm nghal a ni.

Vawiin vek hian STI Conference Hall-a programme buatsaihah Union Textiles Minister Pu Giriraj Singh leh amah tawiawmute chuan silk pangngang hmanga eizawngtu farmer te leh puantahtute nen inkawmhona hun an hmang a.

Thusawiin Pu Giriraj Singh chuan Mizorama khaw 211-a farmer-te chu chibai a buk a; Mizoram chu hmarchhak state zawng zawng zingah silk chi 4 - Muga, Eri, Mulberry leh Tasar nei thei awm chhun an ni chu vannei a tih thu a sawi a. District 11-a farmer 6000 leh mimal 19,000 zet chuan silk hi an inngahna ber leh an eizawna ber atan an hmang a ni, a ti. Union Textiles Minister chuan Mizoram khaw awm dan leh lei chu sericulture tan a tha em em tih sawiin, Mizoram Sericulture pawh tun hnai khan za zelah 5.5-6 vel zeta hmasawna an hmu chu lawmawm a tihzia a sawi a ni.

